

EM2017/120
25/10-2017
Michael Rosing
Attaviitsoq

Naalagaaffiit Peqatigiit Nunarsuarmi piujuaannartitsineq tunngavigalugu ineriartortitsinissaq pillugu angunigagai Nunatsinni ineriartornermi Naalakkersuisullu sulinerannut qanoq ilanngunneqarnissaannik Inatsisartut oqallinnissaannik siunnersuut.

(Inuit Ataqtigiit Inatsisartunut ilaasortaataitai)

Naalagaaffiit Peqatigiit piujuaannartitsineq tunngavigalugu ineriartortitsinissamut 17-nik tunngaviusumik anguniagaqarpoq. Amerlavallaaluatsiarpoq maani oqaluttarfimmiit isummorsorfigissallugu taamaattumik pingasut oqaaseqarfigissavakka Kalaallit Nunaannut attuumassuteqarnerummata.

Anguniakkami nr. 14-mi pineqarpoq nunarsuup imartaani piujuaannartitsineq tunngavigalugu pisuussutinik atuinissaq aamma imartatsinni pisuussutit anguniakkatsinni pingaarnersaapput. Sutigit tamatigungajalluinnarpoq imartarput isumalluutigaarput, inuussutissat suliffissuaqarnerlu eqqarsaatigalugit. Kisianni pisuussutit imartatsinneersut paarinissaat pikkoriffigivallaanngilarput. Aalisapiluppugut aamma timmissat uumasullu miluumasut annertuumik piniagaraagut. Taamatut isumaatsumik pissuseqanngitsuugutta iluaqutissarsinerujussuussagaluarpuq aningaasarsiornikkut, inuttut kulturikkullu pisuussutitsinnik atuinitsinni mianersornerulluta pissuteqartuugutta. Taamaaliuleraannaagaluarpuq piumasariinnartuugutsigu pisuussutinik piujuaannartitsineq tunngavigalugu piniartarnissaq allanit tamanit salliutinneqartassasoq. Tamannalu qanillattorneqarsinnaavoq ilaatigut pisassanik aalajangersaasernerit politikerinut nakkutigiunnaartitsittuugutsigit.

Nunarsuarmi anguniakkap tullia annertuumik kinguneqartoq aamma tulleriinni normukittoq tassaavoq 4 imaralugu pitsaasumik kikkut tamarmik ilinniarsinnaanissaat. Kalaallit Nunaanni ilinniarnissamut periarfissarissaarnera qiviaraanni assut ilinniarsimassuserput appasippoq.

Anguniakkat tamarmik ataatsimoortinneqarput anguniakkamit nr. 16-mit pineqarluni inuiaqatigiit eqqissisimasut akuutitsillaqqissullu aqutsivillit nukittuunik. Akissutiminni Naalakkersuisut aamma

tikippaat paasiuminartunik inatsiseqarnissaq. Uangali isumaqarpunga siuarsimanagerussagaluartugut, tamanna piomassuseqarfigineqarnerusuuppat. Matumani ataatsimiinnermi aamma ataatsimiinnissap tungaanut nammineq Naalakkersuisugut takuagut inatsisissatut siunnersuutit sunniuteqartupilussuannngortussat pillugit tusarniaasut piffissami sivikitsuaqqami. Aalisarnermut inatsisissaq takkutilerpoq takusimanngisaannagarput. Aamma apeqqutit inatsisip kingunissaanut paasiniaanernik imallit akissallugillu pisariitsut akiumaneqanngillat. Peqataanillu innuttaasut demokratimut peqataanissaannik pisinnaatitaaffiarniarlugit oqalunneq soorluuna aamma soqutaasorsoorpasinngitsoq. Tassani suliaasaqarpugut annertuumik.

Taamatut apeqqummut itisoorsuarmut oqaaseqarlunga oqallinneq nuannersoq pillugu qujanarusuppunga.